

明實錄寧夏資料輯錄

下冊

宁夏回族自治区档案馆編

主編 楊新才 吳忠禮



宁夏史料丛刊

明实录宁夏资料辑录

下 册

宁夏回族自治区档案馆编

杨新才 吴忠礼 主编

宁夏人民出版社

明世宗肃皇帝实录

正德十六年四月戊申 (1521.6.1)

升榆林卫指挥同知赵瑛署都指挥僉事，充左参将分守宁夏西路地方。

(卷1 24页)

正德十六年五月甲寅 (1521.6.7)

户科给事中孟奇言：辽东镇守太监于喜，前在宣府侵盗官银，克减军饷，巡按御史张经尝具疏弹劾，喜贿通钱宁置不以闻，反以事诬经，坐谪。人咸冤之，宜置喜法典。及陕西副总兵赵文、大同总兵纪世楹、宁夏参将阎勋、陕西都司谢恒、保定府分守参将卢英迳选悞不胜重寄，而朘削军民，交结中贵，大略亦与喜等，並宜处治，以彰宸断。得旨：于喜发充孝陵净军，文等兵部复议以闻。

(卷2 6页)

正德十六年五月戊午 (1521.6.11)

升宁夏副总兵路瑛署都督僉事，充总兵官镇守宁夏。

(卷2 12页)

正德十六年五月己丑 (1521.6.18)

录宁夏通捷墩斩获北虏功。赐分守宁夏东路右参将阎勋金弊〔抱本及各本作币，是也。〕及庆阳卫千户高爵等各升赏有差。

(卷2 19页 校7页)

正德十六年五月丙寅 (1521.6.19)

升巡抚宁夏都察院右金都御史王时中为右副都御史，协理院事。

（卷2 20页）

正德十六年五月戊寅 (1521.7.3)

以原任巡抚顺天都察院右金都御史服闋张润巡抚宁夏。

（卷2 26页）

正德十六年六月癸未 (1521.7.6)

敕谕礼部：朕即位之初，重念守边官军勤劳，宜加赏赉。自辽东至甘肃缘边一带，官军每人赏银二两，差给事中、御史分投前去，会同镇、巡等官取勘的数，公同唱名给散，不许头目人等总领侵欺。恁礼部便会同兵部查见在各边官军实数还，会同户部查照诏书，于内库抄没银两内关运支給，如敕奉行。既而查核辽东、蓟州、宣府、大同、山西、陕西、宁夏、延绥、甘肃诸镇官军共三十七万一千九百六员名，给赏银七十四万三千八百一十二两。

（卷3 2页）

正德十六年六月丁酉 (1521.7.20)

发内帑银三十万于甘肃、宁夏、延绥三镇。以年例久欠，地方饥窘，从各抚臣之请也。

（卷3 12页）

正德十六年六月壬寅 (1521.7.25)

以陕西都司署都指挥金事刘瑾〔抱本作瑾，阁本作瑾。〕充右参将，分守宁夏东路。

（卷3 15页 校6页）

正德十六年六月癸卯 (1521.7.26)

陕西抚按官奏：米脂县四月初七日酉时分，西北方有星大

如斗，随有红光一道，约长三丈余，半空冉冉转动，向西北移时变白气而灭。遂劾延绥总兵戴钦、宁夏副总兵路瑛等贪纵，乞斥之以答天戒。……章俱下所司。

(卷3 16页)

正德十六年七月丙寅 (1521.8.18)

巡抚宁夏右金都御史王时中疏乞终养。上不许。

(卷4 16页)

正德十六年七月庚午 (1521.8.22)

以……协守宁夏副总兵傅铎充总兵官镇守宣府。

(卷4 19页)

正德十六年七月戊寅 (1521.8.30)

陕西巡抚都御史郑阳言：虏亦〔抱本作赤。〕卜刺扰掠熟番，顷以小王子追逼，渡河窥伺边境。今本镇兵食不足以支虏，请发内帑银数十万易买粮草，运之洮、岷、临、巩等处，以备主、客兵马之用。仍令宁夏镇、巡官整兵听调，应援战守。事下，兵部覆言：往岁套虏入临巩、固原，宁夏兵不能防遏，使虏得利去。今亦卜刺败亡之余，假息河西，其势亦与。假令犬虏入套，而延宁、固原之兵力能捍御，使不得深入，则洮岷见兵自足以支河西残寇，不得复仰宁夏为援。请敕巡抚及总制、参游等官严哨探，谨烽堠，并力以御套虏，令河西守备官整兵设防，或暂留甘凉官军与共备御，不得倚藉邻兵，坐失事机。若虏不入套，两镇兵势足以相顾，听以便宜从事。其刍粮不给，请敕户部议处。上从之。

(卷4 26—27页 校7页)

正德十六年八月庚寅 (1521.9.11)

是日辰时，陕西固原州地震，有声如雷。（卷5 5页）

正德十六年九月壬子（1521.10.3）

赐故大理寺左少卿周东祭一坛，仍命有司给米二十石优恤其家。东于正德五年奉命往陕西清查地土，偶值置饕叛乱被害。至是，其妻马〔抱本作冯。〕氏奏乞比照死节例给恤血〔抱本、阁本作典，是也。〕。礼部覆议：东邂逅遇害，非死节比，止宜赐祭。上从之。（卷6 1页 校2页）

正德十六年九月乙卯（1521.10.6）

巡抚陕西都御史郑阳奏：固、靖、环、兰等处虏警旁午，民运不济，军饷匱乏，乞发帑银继之。户部覆议：近年司农告竭，即国用亦不能支，请出内府所贮没官银二十万两以资陕西军兴之用。其民运有已征未解或奸民因而侵克者，乞下诸司清理。上从之。（卷6 2页）

正德十六年九月甲子（1521.10.15）

初，都御史杨一清议修宁夏花马池至灵州边墙，议甫行而寝，边民失望。至是，尚书彭泽言边墙当修者不止一清所奏为然，即诸边镇若蓟、辽、宣、大、固、靖、甘肃地方〔抱本、阁本地方作等地，是也。〕，宜悉下守臣亲为经略，度远迩，眎〔抱本作视。〕高下，迨农隙时责才能吏程工饰〔抱本、阁本作飭。〕材，务浚筑之，使墙垣高厚，沟堑深广，墩台巩固，足为经久之计。已而巡抚延绥右副都御史姚镛请筑〔抱本、阁本作修。〕三山堡、定边营等处墙，乞发内帑银三四万两为雇役之需。上皆可之。（卷6 6—7页 校5页）

正德十六年九月丁卯（1521.10.18），（对举本固，本固）擢夏言
革宁夏副总兵官路瑛〔阁本作英，尚误。〕职，回卫闲住。
以御史曹珪劾其奸邪不法故也。（卷6 7页 校6页）
正德十六年九月辛未（1521.10.22）

兵部覆御史王果〔抱本作杲，是也。〕条马政四事〔阁本作所陈修举马政事宜。〕：一〔阁本一作其一，谓，下同〕、
陕西苑马寺旧设长、灵二监，开城、清平等六苑，原额恩队二等
军共一千二百二十名。正德间，都御史杨一清奏添设武安二
苑，泊改编充发召募三等军共一千八百七十二〔抱本、阁本作
二十七。〕名。近法猾〔抱本作骘。〕弊生，各军逃亡，止存
十二〔抱本作二十。〕。当稽诸苑尺籍，将各军户内余丁量取五
六百名，以补足前额。一、正德间官马共一万一千六百二十
四，迺来各边请给不足，概以怀驹种马凑给之，以致种马消耗。
宜谕该寺、苑、监悉心牧养，如例科驹。仍以洮、河二卫所易番
马量择堪作种者以次发牧，复照先年所给临、巩二府买马银数
亟为征完解俵。一、草场牧地，弘治间共十二万八千四百七十
余顷，后为豪猾〔抱本、阁本作猾，是也。〕所侵，守臣清
理，反溢原数，新增四万余顷，遂至多寡不一，争兢纷起。乞
敕所司履亩勘实，各立封堆，召人种艺，务期军民两便。一、
频年官马报虏掠者不下数千，夫各苑有牧军，有城壕，乃不先
时收保，以致被掠。或即以亏阙影射之数当其所掠，甚者乘机
盗卖，袭以为常。宜严加禁约，犯此者罪不赦。上从其议。
（卷6 9页 校6—7页）

正德十六年九月戊寅（1521.10.29）
兵科给事中夏言、〔阁本御上有监察二字。〕御史郑本
公、兵部主事汪文盛奉诏查革五府所属京卫並亲军卫分大小官

员旗尉〔抱本、阁本作校，是也。〕共三千一百九十九人，犹以弊端未能尽除，事体尚须厘正，因列款上陈。至是，部臣议覆：其一言宁夏之役，太监张永等攘功冒荫，兄弟得袭侯封。今既尽斥，而张容、魏英复被新命为都督同知，张富为锦衣卫指挥使，夫三人者均冒无功之赏，尚遘有罪之诛，宜悉行褫夺〔抱本作革。〕。……得旨：俱如所议，张容等削夺有差。〔同下，照一其明一本同。〕。……（卷6 14—15页，校9页）

正德十六年十月壬午（1521.11.2）

升都指挥金事陈珣、张輓俱为署都督金事，充总兵官，珣镇守贵州，輓镇守宁夏。〔同下，照一其明一本同。〕。……（卷7 11页）

正德十六年十月丙午（1521.11.26）

以兰州卫都指挥金事杨义充左参将，分守宁夏中路地方。〔同下，照一其明一本同。〕。……（卷7 17页）

嘉靖元年正月癸酉（1522.2.21）

巡抚宁夏都御史王时中条上备边二事：其一谓宁夏河东沿边一带近年添筑横城、红山儿、毛卜刺、柳阳、安定五堡，惟横城、安定有常戍之兵，其余递出递入，虚弱不支。请如延绥城堡例，择官添戍，增筑营房，以备三边游兵出哨驻扎。其二谓灵州盐课司大小二池原额新旧盐课共五万九千三百三十七引，先年延、宁二镇更番召商中马，计直掣盐，公私两便。顷乃因仰〔三本作抑，是也。〕商人，使俱诣陕西布政司纳银候引，民既重劳，官复展转借用，不佐边方之急。自今乞令甘肃、延绥、宁夏三镇得自领盐课，率三载一更。盐商开中，或马或银，径于本镇收贮，类行该司给引掣放。兵部覆议：时中

言大率可行，但盐课三年轮管事体未便。当令环灵兵备督同原管盐场官从公召商中马，以次分派三镇，先甘肃，次延绥，又次宁夏。仍以西宁、洮河茶场所易马匹相兼允〔三本作兑，是也。〕用。自后有那移借用及开纳价银者，罪之。得旨：如议行。

(卷10 14页 校4页)

嘉靖元年三月癸酉 (1522.4.22)

初，诏书禁额外贡献，凤阳守备太监张阳复进贡新茶。给事中张翀言宁夏所贡红花及镇守总兵官到任贡马谢恩，皆非令甲宜罢。礼部覆议：宜遵诏一切禁止如翀言。止是之。

(卷12 15页)

嘉靖元年三月丙子 (1522.4.25)

命总制李钺督延绥、宁夏、陕西三关各镇、巡官整搦人马，听陕西镇、巡调援。以套虏深入为患，从镇守总兵等官刘淮等会奏故也。

(卷12 16页)

嘉靖元年四月庚辰 (1522.4.29)

陕西宁夏卫地震有声。

(卷13 1页)

嘉靖元年六月辛丑 (1522.6.18)

升甘州后卫署指挥金事汪淮为署都指挥金事，充左参将分守宁夏西路地方。

(卷15 5页)

嘉靖元年七月己未 (1522.8.6)

分守宁夏中路左参将杨义以罪逮问。

(卷16 6页)

嘉靖元年八月丁亥 (1522.9.3)

以山、陕虏警，免陕西按察使高显及延安、庆阳、平凉、西安、凤翔、汉中、山西、大同各府州县正官朝覲。

（卷17 3页）

嘉靖元年九月甲子（1522.10.10）

给事中及宣同监察御史俞集奉敕查盘大同、宣府钱粮奏称：朔州、广昌、永宁草场，节次烧毁草计一百一十万三千束有奇，领去价银并填过盐引共四万一千三百八十余两。……及查朔州草系副总兵张统报纳价银先领，亏欠实多，恐有查盘，故令家人潜得烧毁，尤可痛恨。……张统已升宁夏总兵官，宜令革职回卫，听法司覆议，追赃发落。户部覆奏如议。从之。

（页81 518）

（卷18 4—5页）

嘉靖元年十月戊寅（1522.10.24）

陕西道御史黎贯、刑科给事中管律各言：致仕大学士杨一清久任三边，威名素著，乞特起用，径赴陕西总制，而以侍郎李钺改甘肃经略。兵部议：钺奉命初至固原，征调设备未为不周，顷虏众大举，人心摇动，而钺督兵鏖战，克当虏锋，似难议调。大学士杨一清远在江南，闲居日久，一旦起用，未免辞奏稽延，而钺闻改命，势必灰心解体。乞仍戒钺竭忠督理，冀图后效。而一清起用，俟会廷臣别议以闻。诏从部议。既而钺自劾乞休，上温旨勉留之。

（81.0.5521）

（卷19 1页）

嘉靖元年十月壬午（1522.10.28）

升凉州右副总兵种勋为署都督金事，镇守宁夏地方。

（0.0.5531）

（卷19 2页）

嘉靖元年十二月戊寅（1522.12.23）

先是，陕西套虏深入为寇固、靖、环卫间，所伤杀〔东本作杀伤。〕以万计。……于是，兵部请特遣科道官分部阅视，参

核奏报，其被寇地方，请量发太仓库银赈济。上从之，即日降敕遣科道官各二员分行按视，别白功罪以闻。户部发太仓银十万两，六万给陕西三边，四万给山东等处。不足，则以各司、府、州、县库银佐之，通融计处，务在民沾实惠。

(卷21 2页 校1页)

嘉靖元年十二月辛丑 (1523.1.15)

户部奏宣府、大同、辽东、延绥、宁夏、甘肃各镇军需、岁支、岁办之数。因言各镇额办粮草先年未尝告乏，比乃奏讨频仍，额外给发，视岁派之数不啻加倍。所以然者，一则由民运、屯运之积责，二则由逃亡兵马之冒支，三则由势要中盐之虚出。凡此三弊，得各镇、巡官留心计处，自不必全倚京储例外供亿矣。上深然之，因戒飭各该镇、巡官悉从经画，有仍踵前弊者，听科道从实参劾〔广本参劾作劾奏。〕，追赃治罪。

(卷21 13页 校5页)

(卷21 13页 校5页)

嘉靖二年二月己卯 (1523.2.22)

先是，套虏犯邠州，宁夏巡抚张润、总兵官张鞬俱以失事被论，上令自陈。至是，各引罪求罢。命姑宥之。

(卷23 3页)

嘉靖二年二月辛卯 (1523.3.5)

诏许开中淮、浙、长芦、山东盐六十三万引于陕西固原等处。从巡抚右副都御史王翊请也。

(卷23 12页)

嘉靖二年三月甲寅 (1523.3.29)

陝西宁夏地震有声。

(卷24 4页)

嘉靖二年三月乙丑 (1523.4.9)

朔日巡抚宁夏都御史张润言：宁夏等五卫屯田有崩于河者，乞蠲租。其斥鹵之地，旧征米一斗二升者，改为减征。地稅豌豆六升。户部复请。报可〔阁本作从之。〕

（卷24 10页 校6页）

嘉靖二年閏四月癸丑（1523.5.27）

召巡抚宁夏左金都御史张润四〔王本作回，是也。〕

（卷26 6页 校3页）

嘉靖二年五月乙未（1523.7.9）

改分守宁夏西路参将汪淮充甘肃游击将军，专修制火器以备虏患，而以甘肃游击将军周尚文代淮任。

（卷27 8页）

嘉靖二年五月戊戌（1523.7.12）

升固原兵备副使毛思义为四川布政司右参政〔阁本改作议。〕

（卷27 8页 校10页）

嘉靖二年六月辛丑（1523.7.14）

升凤翔府知府成文为陕西按察司副使，整飭固原兵备。

（卷28 1页）

嘉靖二年六月乙丑（1523.8.7）

兵部尚书彭泽言：陕西三边地方，若延宁修造〔广本、阁本、东本造作边，是也。〕急务及甘肃备虏重情，皆宜亟处，

〔广本、阁本、东本陞上有惟字，是也。〕陛下于陕西巡抚数臣内简命一员充总制以经略其事，用纾九重西顾之忧。如臣衰病，不堪本兵，乞赐放归。上曰：朕简任老成，励精图治，正欲集思广益。卿所条奏事宜，已责成镇、巡等官酌议，卿何嫌

而辄引疾求退？其即出视事。

(卷28 1—2页 校1页)

嘉靖二年十一月丁丑 (1523.12.17)

诏陕西宁、汉二卫官军仍分番宁夏备御。先是，陕西副使吕和以各军畏远脱班，奏改征银召募，而宁夏镇、巡官复执旧例，奏讨督发。部议以为征银纷扰，仍遵旧规便。报可。

嘉靖二年十二月己酉 (1524.1.18)

宁夏地震。

(卷34 4页)

嘉靖三年八月癸卯 (1524.9.9)

命都指挥同知苏勇充左参将，分守宁夏西路地方。

嘉靖三年十月辛亥 (1524.11.15)

分守庄浪、西宁副总兵鲁经引疾求退，且言回夷猖獗，凉、庄孤危，全省门户惟赖兰州，乞移宁夏参将苗銮往镇其地。兵部以。上是之。令提督等官察銮可用，即以原职更调兰州，仍逾经殚虑竭忠以靖地方，不可求闲自便。

(卷44 7页)

嘉靖三年十月壬子 (1524.11.16)

庆王奏：求原革中护卫、今改中屯卫乐舞生。宁夏巡抚张璇言：王假托乐舞之名，阴复护卫之渐，关系非轻〔三本作轻，是也。〕，不可不察。今宜即将本府旧乐舞生五十五人教演余丁，以充其数，或权借屯屯卫〔广本、阁本作中屯卫，是也。〕旧〔三本旧下有乐字，是也。〕舞生六十八人，遇借中用〔广本、阁本作遇祭暂用，是也。〕，既借〔广本、阁本作祭，是也。〕掣回。礼部上其议，因劾辅导官罪。

上以为然。命乐舞生仍旧于中屯卫临期暂拨，辅导官姑宥之。

(卷44 7—8页 校7页)

(卷44 7—8页 校7页)

嘉靖三年十一月戊辰 (1524.12.2)

命户部发银八万两给宁夏，六万两给延绥，为主、客兵马费。

(卷45 4页)

嘉靖三年十一月庚午 (1524.12.4)

录固原、平凉等处斩获达虏功，升赏官军张举等五十八人有差。

(卷45 5页)

(卷45 5页)

嘉靖三年十二月丙辰 (1525.1.19)

镇守宁夏都督种勋、都御史张璇并劾奏庆王淫秽黷伦，枷仪宾，械职官，擅杀无辜，招致降虏，操练兵马，潜结凶恶包锦、杨钦等十辈，谋〔东本作欲为。〕不轨，乞按验之。上以所奏事情重大，命左副都御史王时中、锦衣卫指挥金事刘宗武往勘之。时中言：臣巡抚宁夏时故与庆王有却〔广本作郤，抱本作郤。〕，宜以嫌引避。上曰：勘事自有公法，何嫌之避？时中已遣，不准辞。

(卷46 8页)

(卷46 8页)

嘉靖三年十二月丁巳 (1525.1.20)

协守宁夏副总兵刘玉坐贼入灵州，御敌无功，总兵官种勋逼〔广本逼作逗，是也。〕遄不进，为巡抚都御史张璇所劾。上命夺玉俸三月，勋以地方事变方殷，姑戴罪听勘。

(卷46 8页) 校9页)

嘉靖三年十二月戊午 (1525.1.21)

上命陕西三边设提督军务大臣一员，该部议推才优望重者往。于是，吏部言致仕少傅大学士杨一清、兵部尚书彭泽、南

京兵部尚书王守仁俱〔三本俱下有堪字，是也。〕任。上命一清以原官改兵部尚书兼都察院左都御史，提督陕西三边军务。

(卷46 10页)

嘉靖四年正月辛巳 (1525.2.13)

录宁夏官军斩获犯边达贼功，〔广本、阁本镇上有赐字，是也。〕镇守总兵官种勋银币，指挥使包锦等四十二人各升赏有差。

(卷47 7页)

嘉靖四年二月壬辰 (1525.2.24)

庆王台宏既为巡抚都御史张璇告变诸阴事〔广本、阁本事下有尽字，是也。〕泄，且见按急自危，一日，率官属夺关驰马出，欲走阙下自诉，宗室、仪宾颇有从者。璇皆遮还之，闭王别馆，具疏以闻。吏部右侍郎温仁和言：王荒淫不法事故有之，然未必图危社稷。今见闭，恐恚惧而死，罪状未白而即有杀王之名，朝廷将何辞以谢宗室？且万一有欲脱王者称兵兴难，是迫之使臣〔广本、阁本作反，是也。〕也。宜急赐手书慰王，令归府以待验问。仍敕官属皆事王故如〔三本作如故，是也。〕。上从之。已而，张璇又言王阉出恐变不测，请逮王及宗室官属从王者至京师。上令廷臣杂议，仍命王居府待按，其从王出及守门纵王者皆即本处诘治。时廷臣亦议召璇还，上不从。

(卷48 2页 校1—2页)

嘉靖四年五月庚午 (1525.6.3)

提督陕西三边军务少傅兼太子太傅兵部尚书兼都察院左都御史杨一清言：各边钱粮匱乏，仓库空虚，乞将嘉靖三年淮、浙等运司开剩引盐并嘉靖四年盐课共开一百万引，又支帑银五十万两，照先年事例，差堂上官一员，率属官〔广本、阁本作

部属。〕二三员，督理四镇粮储，各无论负〔三本无各字，负作召，是也。〕商、余买，随宜处置，以备缓急。部议谓一清膺边方重托，宜即敕令兼总军饷，不必更差大臣。兰州、固原等处新设管粮郎中二员，并听一清节制。别差主事二员，于两淮运司解到盐课动支三十万两，运送陕西固原专备军饷。……诏：悉从部议。

(卷51 6页)

嘉靖四年五月辛未 (1525.6.4)

诏发太仆寺银五万两于固原募兵买马。从提督杨一清〔三本清下有奏字，是也。〕也。

(卷51 7页、校6页)

嘉靖四年六月己丑 (1525.6.21)

命南京后军都督府署都督金事抗雄挂平羌将军印，充总兵官镇守宁夏地方。

(卷52 1页)

嘉靖四年六月辛卯 (1525.6.23)

宁夏总兵官种〔旧校改作种。〕勋遣人行贿京师，为东厂所缉，锦衣卫百户李镗、御史王官受寄财物，引领过送，并已待〔三本作逮，是也。〕问。刑科给事中解一贯等、浙江道御史张纬等并清究治所馈遗之人。从之。

(卷52 2页)

嘉靖四年六月戊戌 (1525.6.30)

宁夏总兵缺，兵部拟推漕运总兵官杨宏。已得旨：点用给事中郑一鹏。

(卷52 4页)

嘉靖四年六月庚戌 (1525.7.2)

夺庆王台宏爵，降为庶人〔阁本人下有“令在本府随住，

每年给米三百石养贍，仍降敕戒谕，责令自新”二十四字。疑衍。〕。初，台浚多行无礼于国，为巡抚都御史张璇所论奏〔阁本奏下有事下按治四字。〕，王衔之。已，行贿于镇守太监李〔抱本作季〕听、总兵官种勋求解。听拂弗纳〔广本、阁本作听、勋拒弗纳，是也。〕，王并衔之。会宁夏卫指挥杨钦、包锦、宋杰等各以事获罪，怨璇、王，因藉资于王，共谋杀璇及听、勋，而奉国将军台澍亦与其谋。未发而璇觉，捕钦等下都指挥金事常世臣、按察司金事刘淮讯治。钦等遂诬台浚将为不轨，璇具奏闻。上遣司礼监太监扶安、都察院右副都御史王时中、锦衣卫指挥金事刘宗武往讯，具狱。上言台浚、台澍他罪有之，无谋〔广本、阁本谋下有为字，是也。〕不轨事，所奏与世臣、刘淮所按各失实。刑部尚书赵鉴会廷臣议覆。得旨：杨钦等各论死，发戍如律，听、璇、世臣、刘淮逮京究问，台澍革去禄米之半，台浚事再会议〔广本、阁本事下有“再会多官定议以闻，于是刑部”十二字，是也。〕言台浚昔尝屈事置鐻，幸蒙宽宥。今怙终无忌，煽构屏〔旧校改作群。〕小，谋戕守臣，罪在不宥，宜如弘治三年处代王聪沐〔三本作沃。〕例，革爵迁至〔阁本作置。〕省城，责令悔改〔广本作过。〕。诏：如所拟，台浚革爵，降为庶人。姑令在本府随住，岁终〔三本作给，是也。〕养贍米三百石。仍写敕戒谕，令改过自新。后宁夏虏警，兵科给事中刘琦复请迁浚居省城以销内变。上不从。

(卷52 6页 校7页)

嘉靖四年七月癸亥 (1525.7.25)

命甘肃游击将军李义克〔三本作充，是也。〕副总兵官协守宁夏地方。

（卷53 2页 校4页）